

17 мая 2020 года

НЕДЕЛЯ 5-я по ПАСХЕ,

О САМАРЯНЫНЕ

**Последование часов и обедницы
для домашнего (келейного) совершения**

ЧАС ТРЕТИЙ

Молитвами святых отец наших, Господи Иисусе Христе, Боже наш, помилуй нас.

Христос воскрес из мертвых, смертию смерть поправ и сущим во гробех живот даровав. Трижды.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Я**ко Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретется во мне неправда. Яко да не возглаблют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгоняции мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитая в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внигда явити ми ся славе Твоей.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко

уповах на Тя. Незлѣбиви и прѣвии прилепяхуся мне, яко потерпѣх Тя, Господи. Избѣви, Бѣже, Израїля от всех скорбѣй егѡ.

Псалѡм 50

Помилуй мя, Бѣже, по велицей милости Твоей, и по множеству щедрѡт Твоих очисти беззаконіе мое. Наипаче омый мя от беззаконія моего, и от грѣха моего очисти мя; яко беззаконіе мое аз знаю, и грѣх мой предо мною есть вѣну. Тебѣ единому согрѣших, и лукавое пред Тобѡю сотворих; яко да оправдишия во словесех Твоих, и победиши, внегда судити Ти. Се бо в беззаконіих зачат есмь, и во грѣсех роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очышуся; омыеши мя, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое от грѣх моих, и вся беззаконія моя очисти. Сердце чисто созижди во мне, Бѣже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасенія Твоего, и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избѣви мя от кровей, Бѣже, Бѣже спасенія моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотѣл еси жѣрты, дал бых убо: всесожженія не благоволиши. Жѣртва Бѣгу дух сокрушен; сердце сокрушено и смиренно Бог не унижит. Ублажи, Господи, благоволеніем Твоим Сиѡна, и да созиждутся стѣны Иерусалимския. Тогда благоволиши жѣртву правды, возношеніе и всесожегаемая; тогда возложат на олтарь Твой тельцы.

Слава, и ныне:

Аллилуїа, аллилуїа, аллилуїа, слава Тебѣ Бѣже. **Трижды.**

Господи, помилуй. **Трижды.**

Тропарь Воскресный, глас 4:

Светлую Воскресенія проповедь/ от Ангела увѣдевша Господни ученицы/
и прѣдѣднее осужденіе отвергша,/ апѡстолом хвалящаяся глаголаху:/
испрѡвержеся смерть,/ воскресе Христѡс Бог,// даруй миру велию
милость.

Слава:

Тропарь Преполовения, глас 8:

Преполовившуся прѣзднику,/ жаждушую душу мою благочестія напои
водами,/ яко всем, Спасе, возопил еси:/ жаждай да грядет ко Мне и да пьет.//

Источниче жизни нашея, Христэ Бóже, слава Тебэ.

И ныне:

Богородичен:

Богорóдице, Ты еси лозá истинная, возрастившая нам Плод животá, Тебэ молимся: молися, Владычице, со святы́ми апóстола помíловати дýши наша.

Тáже:

Госпóдь Бог благословén, благословén Госпóдь день дне, поспешít нам Бог спасéний наших, Бог наш, Бог спасáти.

Святы́й Бóже, Святы́й Крéпкий, Святы́й Безсмéртный, помíлуй нас. **Трижды.**

Слава Отцú и Сыну и Свято́му Дúху, и ныне и прísно и во вéки векóв. **Ами́нь.**

Пресвятáя Трóице, помíлуй нас; Гóсподи, очисти грехи́ наша; Влады́ко, прости́ беззакóния наша; Святы́й, посети́ и исцели́ нéмощи наша, íмене Твоегó рáди.

Гóсподи, помíлуй. **Трижды. Слава, и ныне:**

Отче наш, Ёже еси́ на Небесéх, да святíтся íмя Твоé, да приидет Цáрствие Твоé, да бóдет воля́ Твоя́, я́ко на Небесí и на землí. Хлеб наш насúщный дáждь нам днесь; и оста́ви нам дóлги наша, я́коже и мы оставляем должникóм нашим; и не введí нас во искушéние, но избáви нас от лука́ваго.

[Я́ко Твоé есть Цáрство и сíла и слава во вéки. Ами́нь. (Мф. 6: 9-13)]

Конда́к прáздника Трíoди(самаряныни), глас 8:

Вéрою пришéдшая на кладязь самаряны́ня,/ ви́де Тя премúдрости во́ду,/ ёюже напоившись обильно,// Цáрствие вы́шнее насле́дова вéчно, я́ко присносла́вная.

Гóсподи, помíлуй. 40.

Ёже на всякое вре́мя и на всякий час, на Небесí и на землí, покланя́емый и сла́вимый, Христэ́ Бóже, Долготерпели́ве, Многоми́лостиве, Многоблагоутрóбне, Ёже пра́ведныя любя́й и грéшныя ми́луй, Ёже вся зовы́й ко спасéнию обеща́ния рáди бóдущих благ. Сам, Гóсподи, приими́ и наша в час сей моли́твы и испра́ви живóт наш к заповедем Твои́м, дýши наша освяти́, телеса́ очисти́, помышлéния испра́ви,

мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христе, Боже наш, помилуй нас.

И молитву сию, святого Мардария:

Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и имиже веси судьбами, спаси мя, недостойного раба Твоего, яко благословен еси во веки веков. Аминь.

ЧАС ШЕСТЫЙ

Христос воскрес из мертвых, смертию смерть поправ и сущим во гробех живот даровав. Трижды.

Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возре око мое.

Псалом 54

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклонил на мя беззаконие и во гневе враждоваша ми. Сердце мое смятется во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререkanie во граде. Днем и нощию обыдет и по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидял мя на мя велеречевал, укрыл

бых ся от негó. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в дому́ Бóжии ходи́хом единомышлэ́нием. Да приидет же смерть на ня, и да снѣдут во ад жи́ви, я́ко лука́вство в жили́щах их, посреде́ их. Аз к Бóгу воззва́х, и Госпо́дь услы́ша мя. Вэ́чер и заўтра, и полудне́ повэм, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, я́ко во мно́зе бя́ху со мно́ю. Услы́шит Бог и смири́т я́, Сый прэ́жде век. Несть бо им изменéния, я́ко не убо́яшася Бóга. Простре́ ру́ку свою́ на воздая́ние, оскверни́ша завет Егó. Раздели́шася от гнэ́ва лица́ Егó, и прибли́жишася сердца́ их, умя́кнуша словеса́ их па́че елэ́а, и та суть стрéлы. Возвэ́рзи на Гóспода печаль твою́, и Той тя препита́ет, не даст в век молвы́ пра́веднику. Ты же, Бóже, низведе́ши их во студенéц истлэ́ния, му́жие кровей и лъсти не преполовя́т дней своих. Аз же, Гóсподи, упова́ю на Тя.

Псалом 90

Живы́й в по́мощи Вы́шняго, в кро́ве Бóга Небэ́снаго водворѣ́тся. Рече́т Гóсподеви: Засту́пник мой еси́ и Прибе́жище моé, Бог мой, и упова́ю на Него́. Я́ко Той изба́вит тя от се́ти лóвчи и от словесе́ мяте́жна, плещма́ Свои́ма осенѣ́т тя, и под криле́ Егó наде́ешися: ору́жием обы́дет тя и́стина Егó. Не убойши́ся от стра́ха но́чнаго, от стрелы́ летя́щая во дни, от вéщи во тме́ переходя́щая, от сря́ща и бэ́са полуденнаго. Падéт от страны́ твоея́ ты́сяща, и тма одесну́ю тебе́, к тебе́ же не прибли́жится, оба́че очима́ твои́ма смóтриши, и воздая́ние грéшников у́зриши. Я́ко Ты, Гóсподи, упова́ние моé, Вы́шняго положи́л еси́ прибе́жище твое́. Не приидет к тебе́ зло и рана́ не прибли́жится телеси́ твоему́, я́ко А́нгелом Свои́м запове́сть о тебе́, сохранѣ́ти тя во всех путéх твои́х. На рукахъ вóзмут тя, да не когда́ преткне́ши о ка́мень но́гу твою́, на а́спида и васили́ска насту́пиши, и попере́ши льва и зми́я. Я́ко на Мя упова́ и изба́влю и́, покрýю и́, я́ко позна́ имя Моé. Воззо́вет ко Мне и услы́шу его́, с ним есмь в скóрби, изму́ его́ и просла́влю его́, долготóю дней исполню́ его́ и явлю́ ему́ спасéние Моé.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бóже. **Трижды.**

Гóсподи, помѣ́луй. **Трижды.**

Тропарь Воскресный, глас 4:

Свѣтлую Воскресéния прóповедь/ от А́нгела уве́девша Госпо́дни учени́цы/ и пра́дееднее осуждéние отвэ́ргша,/ апóстолом хва́лящася глаго́лаху:/ испровéржеся смерть,/ воскресе́ Христóс Бог,// да́руяй ми́рови вéлию мѣ́лость.

Сла́ва:

Тропарь Преполовения, глас 8:

Преполови́вшуся пра́зднику,/ жа́ждущую ду́шу мою́ благоче́стия напо́й
водáми,/ я́ко всем, Спа́се, возопи́л еси́:/ жа́ждай да гряде́т ко Мне и да пи́ет.//
Исто́чнице жи́зни на́шея, Христé Бóже, сла́ва Тебе́.

И ны́не:

Богородичен:

Я́ко не има́мы дерзнове́ния за премно́гия грехи́ на́ша, Ты и́же от Тебе́
Ро́ждшагося моли́, Богоро́дице Де́во, мно́го бо мо́жет молéние Ма́тернее ко
благосе́рдию Влады́ки. Не прэ́зри грéшных мольбы́, Всечы́стая, я́ко
мы́лостив есть и спасти́ могый, И́же и страда́ти о нас изво́ливый.

Та́же:

Скóро да предва́рят ны щедрóты Твоя́, Гóсподи, я́ко обнища́хом зело́;
помози́ нам, Бóже, Спа́се наш, сла́вы ра́ди И́мене Твоегó, Гóсподи, избáви
нас и очы́сти грехи́ на́ша, И́мене ра́ди Твоегó.

Святы́й Бóже, Святы́й Кре́пкий, Святы́й Безсме́ртный, помилуй нас.
Трижды.

Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в.
Ами́нь.

Пресвятáя Трóице, помилуй нас; Гóсподи, очы́сти грехи́ на́ша; Влады́ко,
прости́ беззакóния на́ша; Святы́й, посети́ и исцели́ немо́щи на́ша, и́мене
Твоегó ра́ди.

Гóсподи, помилуй. **Трижды. Сла́ва, и ны́не:**

О́тче наш, И́же еси́ на Небесéх, да святит́ся и́мя Твое́, да придет
Цáрствие Твое́, да бу́дет во́ля Твоя́, я́ко на Небеси́ и на земл́и. Хлеб наш
насу́щный да́ждь нам днесь; и оста́ви нам до́лги на́ша, я́коже и мы
оставля́ем должникóм на́шим; и не введи́ нас во искуше́ние, но избáви нас
от лука́ваго.

[Я́ко Твое́ есть Цáрство и си́ла и сла́ва во ве́ки. **Ами́нь.** (Мф. 6: 9-13)]

Кондак Преполовения, глас 4:

Пра́зднику за́конному преполовля́ющуся,/ всех Тво́рче и Влады́ко,/ к
предстоя́щим глаго́лал еси́, Христé Бóже:/ прииди́те и почерпи́те во́ду
безсме́ртнаго./ Те́мже Тебе́ припада́ем и ве́рно вопие́м:/ щедрóты Твоя́ да́руй
нам,// Ты бо еси́ Исто́чник жи́зни на́шея.

Господи, помилуй. 40.

Иже на всякое время и на всякий час, на Небеси и на земли, покланяемый и слаvimый, Христэ Бже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим и слаvнейшую без сравнения Серафим, без исления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христэ, Бже наш, помилуй нас.

И молитву сию святого Великого Василия:

Бже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низполавый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляемы, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков. **А**минь.

ЧИН ОБЕДНИЦЫ

Христос воскрес из мертвых, смерть поправ и сущим во гробех живот даровав. Трижды.

Благослови, душе моя, Господа: благословен еси, Господи.

Псалом 102

Благослові, душе моя, Господа, и вся внутренняя моя, имя святое Его. Благослові, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Скажи пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует. Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет: яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его, на всяком месте владычества Его, благослові, душе моя, Господа.

Слава Отцу, и Сыну, и Святому Духу.

Псалом 145

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его, и возвратится в землю свою: в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники. Господь хранит пришельцы, сира и вдову примет, и путь грешных погубит. Воцарится Господь во век, Бог твой, Сионе, в род и род.

И ныне и присно, и во веки веков. Аминь.

Единородный Сыне, и Слове Божий, Безсмертен Сый, и изволивый спасения нашего ради воплотиться от Святыя Богородицы и Приснодевы

Маріи, непреложно вочеловечивыйся, распныйся же, Христэ Бóже, смёртию смерть поправый, едін Сый Святыя Троицы, прославляемый Отцú и Святому Духу, спаси нас.

БЛАЖЕННЫ

Во Царствии Твоём, помяни нас, Гóсподи, егда приидеши во Царствии Твоём.

На 12: Блажени нищии дúхом, яко тех есть Царство Небесное.

Древом Адам рай бысть изселен;/ древом же крестным разбойник в рай вселися./ Ов úбо вкуш, заповедь отверже Сотворшаго;/ ов же сраспинаемь, Бóга исповеда Таящагося,// помяни мя, вопия, во Царствии Твоём.

Блажени плачущии, яко тии утешатся.

Распныйся и воскресый яко Сíлен из гроба триднёвен,/ и первозданнаго Адама воскресивый, Едíне Безсмёртне:/ и менé на покаяние обратитися, Гóсподи, сподоби от всего сёрдца моего,/ и тёплою véрою присно взывати Ти:// помяни мя, Спáсе, во Царствии Твоём.

На 10: Блажени крòтцыи, яко тии наследят зёмлю.

Воистинну воскресе Христóс,/ и свидетельствует гроб к вам, законопреступницы:/ íбо гробная Своя оставль, воскресе триднёвно./ Кáмень запечатася, и пред гробом стражие предстояху:/ ад пленися, смерть умертвися,/ не украден бысть Христóс:// véруйте с нами Воскресению.

Блажени алчущии и жáждущии правды, яко тии насытятся.

Воскрéшаго из мёртвых, и áдову держáву пленившаго,/ и видима женами мирносицами, радуйтесь, глаголющаго,/ véрнии умолим, от ислéния избáвити дúши нáша,/ зовúще всегда разбойника благоразумнаго гласом к Немú:// помяни и нас во Царствии Твоём.

На 8: Блажени мýлостивии, яко тии помýловани бóдут.

Триоди (самарянини), глас 4:

Вóлею на древо вознэлся еси Слове, и зрящее распадохуся кáмение, и тварь преклоняшеса вся, и мёртвии из гробóв, якоже от сна востáху.

Блажéни чéстии сёрдцем, я́ко тéи Бóга ўзрят.

С душёю Тя пришéдша ко áду, Слóве,/ вéдеша вся дúши прáведных,/ от вéчных уз отрешáхуся,// песнослóвляще я́же пáче умá сýлу Твою́.

На 6: Блажéни миротвóрцы, я́ко тéи сынове Бóжии нареку́тся.

Что чудитéся; что во грóбе вы и́щете с мíром, жены́, Влады́ку?/ Востá, и мир совоздв́же,// Áнгел блистáяйся миронóсицам вещáше.

Блажéни изгнáни прáвды рáди, я́ко тех есть Цáрство Небéсное.

Жизнь сый Гóсподи, и истóчник безсмéртия, сел есý при истóчнице Щéдре, и тво́их премúдрых вод испóлнил есý самаряны́ню прося́щую, и пою́щую Тя.

На 4: Блажéни естé, егдá понóсят вам, и изжену́т, и реку́т всяк зол глаго́л на вы, лжу́ще, Менé рáди.

Преполовёния, глас 8:

Вся содержáй концы́, возшéл есý, Иисýсе,/ и учýл есý во святи́лици нарóды слóву и́стины,// прáзднику преполовля́ющуся, я́коже Иоáнн вопиéт.

Рáдуйтеся и веселитеся, я́ко мзда вáша мнóга на Небесéх.

Дéло Óтчее совершил есý,/ дéлы увéрил есý словесá Тво́я,/ исцелéния совершáя Спáсе, и знáмения,// разсла́бленнаго исправля́я, прокажéнныя очищáя, и мёртвыя воскрешáя.

Слáва: Безначáльный Сын началó бысть приём,/ éже по нам вочеловéчися,/ и посредé прáздника учáше, глаго́ля:// притецы́те ко истóчнику приснотекúщему, жизнь почерпите.

И ны́не: Дéву по рождествé поём Тя,/ Дéву и Мáтерь слáвим Тебé едýну,/ Чýстая Богоневéсто Отрокови́це,// из Тебé бо во́истинну Бог воплот́ися, обнов́ив нас.

ТРИСВЯТОЕ

Святýй Бóже, Святýй Крéпкий, Святýй Безсмéртный, помилуй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Амѣнь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Прокимен, апостол и Евангелие

(Недѣли о самаряныни)

Прокимен, глас 3: По́йте Бо́гу на́шему, по́йте,/ по́йте Царе́ви на́шему, по́йте.

Сти́х: Все язы́цы восплещѣте рука́ми, воскликните Бо́гу гласом ра́дования.

По́йте Бо́гу на́шему, по́йте,/ по́йте Царе́ви на́шему, по́йте.

По́йте Бо́гу на́шему, по́йте,/

по́йте Царе́ви на́шему, по́йте.

Дея́ний святы́х Апосто́л чтѣние.

Деяния святых Апостол, зачало 28: XI, 19-26, 29-30:

Во дни оны, разсе́явшиися апосто́ли от ско́рби, бѣвшия при Стефа́не, проидо́ша да́же до Финики́и, и Кѣпра, и Антиохѣи, ни еди́ному же глаго́люще сло́ва, то́кмо иудее́м. Бя́ху же не́цыи от них му́жие кѣпрстии и кирине́йстии, ѣже вше́дше во Антиохѣю, глаго́лаху к е́ллином, благовествующе Го́спода Иису́са. И бе рука́ Господня с ни́ми: мно́гое же числѣ ве́ровавше обрати́шася ко Го́споду. Слы́шано же бысть сло́во о них во у́шию це́ркве су́щия во Иерусали́ме, и посла́ша Варна́ву преити́ да́же до Антиохѣи. Ёже прише́д и ви́дев благода́ть Бо́жию, возра́довася и утеша́ше вся изволе́нием се́рдца терпѣти о Го́споде. Я́ко бе муж благ, и испо́лнь Ду́ха Свя́та и ве́ры. И приложи́ся наро́д мног Го́сподеви. Изы́де же Варна́ва в Тарс взыска́ти Са́вла, и обрѣт е́го, приведе́ е́го во Антиохѣю. Бысть же им ле́то це́ло собира́тися в це́ркви, и учи́ти наро́д мног, наре́щѣ же пре́жде во Антиохѣи учени́ки, Христиа́ны. От учени́к же, по ели́ку кто имѣяше что, изво́лиша кѣйждо их на слѹ́жбу посла́ти живу́щим во Иуде́и бра́тиям, е́же и сотвори́ша, посла́вше к ста́рцем руко́ю Варна́влею и Са́влею.

Русский перевод: В эти дни, рассеявшиеся Апостолы от гонения, бывшего после Стефана, прошли до Финикии и Кипра и Антиохии, никому не проповедуя слово, кроме Иудеев. Были же некоторые из них Кипряне и Киринейцы, которые, придя в Антиохию, говорили Еллинам, благовествуя Господа Иисуса. И была рука Господня с ними, и великое число, уверовав, обратилось к Господу. Дошел слух о сем до церкви Иерусалимской, и поручили Варнаве идти в Антиохию. Он, прибыв и увидев благодать Божию, возрадовался и убеждал всех держаться Господа искренним сердцем; ибо он был муж добрый и исполненный Духа Святаго и веры. И приложилось довольно народа к Господу. Потом Варнава пошел в Тарс искать Савла и, найдя его, привел в Антиохию. Целый год собирались они в церкви и учили немалое число людей, и ученики в Антиохии в первый раз стали называться Христианами. Тогда ученики положили, каждый по достатку своему, послать пособие братьям, живущим в Иудее, 30 что и сделали, послав собранное к пресвитерам через Варнаву и Савла.

Глас 4: Аллилу́ия, аллилу́ия, аллилу́ия.

Стíх: Наляцý, и успева́й, и ца́рствуй и́стины ра́ди, и крóтости, и пра́вды.

Аллилу́ия, аллилу́ия, аллилу́ия.

Стíх: Возлюби́л еси́ пра́вду, и возненави́дел еси́ беззакóние.

Аллилу́ия, аллилу́ия, аллилу́ия.

От Иоанна свята́го Ева́нгелия чтéние.

Сла́ва Тебе́, Го́споди, сла́ва Тебе́.

Евангелие от Иоанна, зачало 12: IV, 5 – 42:

Во вре́мя о́но, при́де Иису́с во град Самари́йский, глаго́лемый Сиха́рь, близ ве́си, я́же даде́ Иа́ков Ио́сифу сы́ну своему́. Бе же ту исто́чник Иа́ковль. Иису́с же тру́ждься от пути́, седя́ше та́ко на исто́чнице: бе же я́ко час шесты́й. При́де жена́ от Самарии́ почерпа́ти во́ду. Глаго́ла ей Иису́с: даждь Ми пи́ти. Ученицы́ бо Егó отшли́ бя́ху во град, да бра́шно кúпят. Глаго́ла Ему́ жена́ самаряны́ня: ка́ко Ты жи́довин сый от мене́ пи́ти про́сиши, жены́ самаряны́ни сýщей, не прикаса́ют бо ся жи́дове самаря́нех. Отвещá Иису́с и рече́ ей: а́ще бы ве́дала дар Бо́жий, и Кто е́сть глаго́ляй ти: даждь Ми пи́ти: ты бы проси́ла у Него́, и дал бы ти во́ду жи́ву. Глаго́ла Ему́ жена́: Го́споди, ни почерпа́ла има́ши, и студене́ц е́сть глубо́к: отку́ду у́бо има́ши во́ду жи́ву? Еда́ Ты бо́лий еси́ отца́ на́шего Иа́кова, я́же даде́ нам студене́ц

сей, и той из него пит, и сынове его, и скоти его? Отвещая Иисус, и рече ей: всяк пий от воды сей вжаждется паки, а иже пьет от воды, юже Аз дам ему, не вжаждется во веки, но вода, юже Аз дам ему, будет в нем источник воды текущий в живот вечный. Глагола к Нему жена: Господи, даждь ми сию воду, да ни жажду, ни прихожду семо почерпати. Глагола ей Иисус: иди, пригласи мужа твоего и прииди семо. Отвещая жена и рече Ему: не имам мужа. Глагола ей Иисус: добре рече, яко мужа не имам. Пять бо мужей имела еси, и ныне, егже имаши, несть ти муж: се воистинну рекла еси. Глагола Ему жена: Господи, вижу, яко пророк еси Ты. Отцы наши в горе сей поклоняшася: и вы глаголете, яко во Иерусалимех есть место, идеже кланяться подобает. Глагола ей Иисус: жено, веру Ми ими, яко грядет час, егда ни в горе сей, ни во Иерусалимех поклонитесь Отцу. Вы кланяетесь, егже не весте: мы кланяемся, егже вемы, яко спасение от иудей есть. Но грядет час, и ныне есть, егда истиннии поклонницы поклонятся Отцу духом и истиною: ибо Отец таковых ищет поклоняющихся Ему. Дух есть Бог, и иже кланяется Ему, духом и истиною достоин кланяться. Глагола Ему жена: вем, яко Мессия придет, глаголемый Христос: егда Той придет, возвестит нам вся. Глагола ей Иисус: Аз есмь, глаголя с тобою. И тогда приидоша ученицы Его, и чуждахуся, яко с женою глаголаше. Никтоже бо рече: чего ищещи; или что глаголеши с нею? Остави же водонос свой жена, и иде во град, и глагола человеком. Приидите, и видите Человека, Иже рече ми вся, елика сотвори: еда Той есть Христос? Изыдоша же из града, и грядяху к Нему. Между же сим моляху Его ученицы Его, глаголюще: Равви, яждь. Он же рече им: Аз брашно имам ясти, егже вы не весте. Глаголаху убо ученицы к себе: еда кто принесет Ему ясти? Глагола им Иисус: Моё брашно есть, да сотворю волю Пославшаго Мя, и совершу дело Его. Не вы ли глаголете, яко еще четыре месяца суть, и жатва придет? Се глаголю вам: возведите очи ваши, и видите нивы, яко плавы суть к жатве уже. И жнай мзду приемлет, и собирает плод в живот вечный, да сейя вкупе радуется, и жнай. О сем бо слово есть истинное, яко ин есть сейя, и ин есть жнай. Аз послах вы жати, идеже вы не трудитесь: инии трудяшася, и вы в труд их внидоште. От града же того мнози вероваша в онь от самарян, за слово жены свидетельствующия, яко рече ми вся, елика сотвори. Егда же приидоша к Нему самаряне, моляху Его, да бы пребыл у них: и пребысть ту два дни. И много паче вероваша за слово Его. Женя же глаголаху, яко не ктому за твою беседу веруем: сами бо слышахом, и вемы, яко Сей есть воистинну Спас миру, Христос.

Русский перевод: В то время, приходит Иисус в город Самарийский, называемый Сихарь, близ участка земли, данного Иаковом сыну своему Иосифу. Там был колодезь Иаковлев. Иисус, утрудившись от пути, сел у колодезя. Было около шестого часа. Приходит женщина из Самарии почерпнуть воды. Иисус говорит ей: дай Мне пить. Ибо ученики Его отлучились в город купить пищи. Женщина Самарянская говорит Ему: как ты, будучи Иудей, просишь пить у меня, Самарянки? ибо Иудеи с Самарянами не сообщаются. Иисус сказал ей в ответ: если бы ты знала дар

Божий и Кто говорит тебе: дай Мне пить, то ты сама просила бы у Него, и Он дал бы тебе воду живую. Женщина говорит Ему: господин! тебе и почерпнуть нечем, а колодезь глубок; откуда же у тебя вода живая? Неужели ты больше отца нашего Иакова, который дал нам этот колодезь и сам из него пил, и дети его, и скот его? Иисус сказал ей в ответ: всякий, пьющий воду сию, возраждет опять, а кто будет пить воду, которую Я дам ему, тот не будет жаждать вовек; но вода, которую Я дам ему, сделается в нем источником воды, текущей в жизнь вечную. Женщина говорит Ему: господин! дай мне этой воды, чтобы мне не иметь жажды и не приходиться сюда черпать. Иисус говорит ей: пойди, позови мужа твоего и приди сюда. Женщина сказала в ответ: у меня нет мужа. Иисус говорит ей: правду ты сказала, что у тебя нет мужа, ибо у тебя было пять мужей, и тот, которого ныне имеешь, не муж тебе; это справедливо ты сказала. Женщина говорит Ему: Господи! вижу, что Ты пророк. Отцы наши поклонялись на этой горе, а вы говорите, что место, где должно поклоняться, находится в Иерусалиме. Иисус говорит ей: поверь Мне, что наступает время, когда и не на горе сей, и не в Иерусалиме будете поклоняться Отцу. Вы не знаете, чему кланяетесь, а мы знаем, чему кланяемся, ибо спасение от Иудеев. Но настанет время и настало уже, когда истинные поклонники будут поклоняться Отцу в духе и истине, ибо таких поклонников Отец ищет Себе. Бог есть дух, и поклоняющиеся Ему должны поклоняться в духе и истине. Женщина говорит Ему: знаю, что придет Мессия, то есть Христос; когда Он придет, то возвестит нам все. Иисус говорит ей: это Я, Который говорю с тобою. В это время пришли ученики Его, и удивились, что Он разговаривал с женщиною; однако ж ни один не сказал: чего Ты требуешь? или: о чем говоришь с нею? Тогда женщина оставила водонос свой и пошла в город, и говорит людям: пойдите, посмотрите Человека, Который сказал мне все, что я сделала: не Он ли Христос? Они вышли из города и пошли к Нему. Между тем ученики просили Его, говоря: Равв́и! ешь. Но Он сказал им: у Меня есть пища, которой вы не знаете. Посему ученики говорили между собою: разве кто принес Ему есть? Иисус говорит им: Моя пища есть творить волю Пославшего Меня и совершить дело Его. Не говорите ли вы, что еще четыре месяца, и наступит жатва? А Я говорю вам: возведите очи ваши и посмотрите на нивы, как они побелели и спели к жатве. Жнущий получает награду и собирает плод в жизнь вечную, так что и сеющий и жнущий вместе радоваться будут, ибо в этом случае справедливо изречение: один сеет, а другой жнет. Я послал вас жать то, над чем вы не трудились: другие трудились, а вы вошли в труд их. И многие Самаряне из города того уверовали в Него по слову женщины, свидетельствовавшей, что Он сказал ей все, что она сделала. И потому, когда пришли к Нему Самаряне, то просили Его побыть у них; и Он пробыл там два дня. И еще большее число уверовали по Его слову. А женщине той говорили: уже не по твоим речам веруем, ибо сами слышали и узнали, что Он истинно Спаситель мира, Христос.

Слава Тебѣ, Господи, слава Тебѣ.

Помяни нас, Господи, егда приидеши во Царствии Твоём. **Поклон.**

Помяни нас, Владыко, егда приидеши во Царствии Твоём. **Поклон.**

Помяни нас, Святый, егда приидеши во Царствии Твоём. **Поклон.**

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Стих: Приступите к Немю и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Слава: Лик святых Ангел и Архангел со всеми Небесными Силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.

И ныне: Вѣрую во единого Бога Отца, Вседержителя, Творца Небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино Крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Конда́к пра́здника Трѣ́ди (самаря́нина), глас 8:

Вѣрою прише́дшая на кла́дязь самаря́нина,/ ви́де Тя премудрости во́ду,/ ёюже напо́ившия обильно,// Ца́рствие ви́шнее насле́дова вѣчно, я́ко присносла́вная.

Сла́ва, и ны́не:

Кондак Преполовения, глас 4:

Пра́зднику за́конному преполовля́ющуся,/ всех Тво́рче и Влады́ко,/ к предстоя́щим глаго́лал еси́, Христе́ Бо́же:/ приидѣте и почерпѣте во́ду безсме́ртія./ Те́мже Тебе́ припада́ем и ве́рно вопи́ем:/ щедроты́ Твоя́ да́руй нам,// Ты бо еси́ Исто́чник жи́зни на́шея.

Господи, помилуй. 12.

И молитву:

Всесвята́я Трѣ́ице, Единосу́щная Держа́во, Неразде́льное Ца́рство, всех благѣх Вина́, благово́ли же и о мне грѣ́шнем, утверди́, вразуми́ се́рдце моё, и всю мою́ отыми́ скверну́, просвети́ мою́ мысль, да ви́ну сла́влю, пою́, поклоня́юся и глаго́лю: Еди́н Свят, Еди́н Госпо́дь, Иису́с Христо́с, во сла́ву Бо́га Отца́. **Ами́нь.**

Бу́ди И́мя Госпо́дне благослове́но отны́не и до ве́ка. Трижды.

Сла́ва, и ны́не:

Псалом 33:

Благословлю́ Госпо́да на вся́кое вре́мя, ви́ну хвала́ Его́ во устѣх моѣх. О Госпо́де похва́лится душа́ моя́, да услы́шат кро́тцыи и возвеселя́тся. Возвели́чите Госпо́да со мно́ю, и вознесѣм и́мя Его́ вку́пе. Взыска́х Госпо́да, и услы́ша мя, и от всех скорбе́й моѣх изба́ви мя. Приступѣте к Нему́ и просветѣ́тесь, и лица́ ва́ша не посты́дятся. Сей ни́щій воззва́, и Госпо́дь услы́ша ѱ, и от всех скорбе́й его́ спасе́ ѱ. Ополчи́тся А́нгел Госпо́день о́крест боя́щихся Его́, и изба́вит их. Вкуси́те и ви́дите, я́ко благ Госпо́дь; блаже́н муж, и́же упова́ет Нань. Бо́йтесь Госпо́да, вси святѣ́и Его́, я́ко несть лишѣ́ния боя́щимся Его́. Богáтии обнища́ша и взалка́ша, взыска́ющии же Госпо́да не лишáтся вся́каго блага́. Приидѣте, ча́да, послу́шайте мене́, стра́ху Госпо́дню научу́ вас. Кто есть челове́к хотя́й живо́т, любя́й дни ви́дети блага́? Удержи́ язы́к твой от зла, и устне́ твоѣ, е́же не глаго́лати льсти. Уклони́ся от зла и сотвори́ блага́, взыщи́ ми́ра и поженѣ́ ѱ. Очи́ Госпо́дни на пра́ведныя, и у́ши Его́ в моли́тву их. Лице́ же Госпо́дне на творя́щия зла́я, е́же потребѣ́ти от земли́ па́мьять их. Воззва́ша пра́веднии, и Госпо́дь услы́ша их, и от всех скорбе́й их изба́ви их. Близ Госпо́дь

сокрушенных сердцем, и смиренные духом спасет. Мнози скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящие праведнаго прегрешат. Избавит Господь души раб Своих, и не прегрешат вси уповающие на Него.

Ангел вопиаше Благодатней: Чистая Дево, радуйся! И паки рекү: радуйся! Твой Сын воскресе тридневен от гроба, и мертвыя воздвигнувый: людие, веселитесь.

Светися, светися, новый Иерусалиме, слава бо Господня на тебе возсия. Likуй ныне и веселися, Сионе. Ты же, Чистая, красуйся, Богородице, о востании Рождества Твоего.

Слава, и ныне:

Господи, помилуй. **Трижды. Благослови.**

Отпуст

Воскресий из мертвых, Христэ, истинный Бже наш, молитвами Пречистыя Твоея Матере, святых славных и всехвальных Апостол, преподобных и богоносных отец наших, святых и праведных богоотец Иоакима и Анны, и всех святых, помилуй и спаси нас, яко Благ и Человеколюбец.

Христос воскрес из мертвых, смертию смерть поправ и сущим во гробех живот даровав. Трижды.

И нам дарова живот вечный, покланяемся Его тридневному Воскресению.

Великаго господина и отца нашего Кирилла, Святэйшаго Патриарха Московскаго и всея Русй, и господина нашего высокопреосвященнейшаго **имярек**, митрополита [**или:** архиепископа; **или:** преосвященнейшаго **имярек**, епископа] [**егоже есть область**], настоятеля, братию и прихожан святáго храма нашего, домочадцы наша и вся православныя христианы, Господи, сохрани их на многая лета.

КОНЕЦ И БОГУ СЛАВА.